

8

T5417/2153



皇甫司勳集卷之二十五

吳郡

皇甫泌子循

七言律詩五十三首

曉出左掖贈吳純叔同年

佩聲初散紫宸朝  
仙侶同携數金轡  
日馭翩翩鳩鵲歸  
雲霄詩成賈至香  
猶在文館如渴未消  
君署玉堂非忝竊  
余從南省似

簡周給事祚

東臺雲書鬱微茫  
獨立臨風寄父郎  
青嶺每登上拜黃門  
直接日邊光  
漫將今色思



皇甫司勳集卷之二十五

塔佛大學漢和  
圖書館珍藏印

吳郡 皇甫汸子循 撰

七言律詩五十三首

曉出左掖贈吳純叔同年

珮聲初散紫宸朝  
仙侶同携數金轆  
縹緲鳳凰迴日馭  
翩翩鳩鵲隔雲霄  
詩成賈至香猶在  
文似相如渴未消  
君署玉堂非忝竊  
余從蘭省慰招邀

簡周給事祚

東臺雲晝鬱微茫  
獨立臨風寄夕郎  
青鎖每移天上拜  
黃門真接日邊光  
漫將令色思瓊樹  
會有新



詩貯錦囊漢室名儒今侍從好陳清論答君王  
七夕飲張子言偶偕田希古

山館淒清城日闌花開荏苒引盃盤俄傳令節驚  
秋候漫喜新逢得地官烏鵲故飛霄漢迴星辰不  
動露華寒七襄僅有橋邊度一笑應知人世難

送吳二純叔便道省覲

玉堂仙客錦衣回畫舫輕帆莫漫催入里便趨嘉  
慶拜隔江須惠好音來落梅恨早聞吹笛叢菊愁  
偏照別杯自古越鄉形勝地赤城霞起即天台

穀日候旨左順門值雪

長安穀日仍逢雪撲殿翻堦竟日看豈謂農祥先  
獻瑞亦知郊祀近回鑿爐煙細梟麒麟氣扇影輕  
開孔雀寒天上封章今更下陽和早已被江干

陳憲使察入賀萬壽節還浙中

使君來獻天王壽親捧龍章拜袞旒建節漫誇唐  
氣象鳴驄曾識漢風流謝安屐爲蒼生起賈誼書  
應太史收北極朝廷終右命西湖山水莫長遊

寄田希古江州

清秋閉戶悲離索京兆田郎望爾賒憶昨獨趨江  
右命只今誰對省中花雨餘滕閣朝尋碣月落潯



陽夜泛槎歲序驚心渾蟋蟀煙波回首又兼葭

九日酌鄭子館欲遊水頭不果

水上何言九日臺城西草堂今好開霜前醉倩茱  
萸把雲外愁連鴻鴈來宋館淒涼無客賦楚江遲  
暮有人哀不堪殊土飛蓬鬢那遣流光到菊盃

謁悼陵作

庚寅冬  
十月作

萬山迴合引仙源紫翠深沉鎖殿門鸞掖昔憐人  
寂寞蜃輿今閉日黃昏豆籩更肅霜前禮環珮難  
招月下蒐涕淚何須怨金屋歲時不斷是君恩

立冬日早朝值雪

搏風攬霧冬仍見急霰翻霏曉未分銀燭實增光  
照耀玉鑪猶鬱氣氤氳漫揮鳳藻翦黃竹已辦龍  
裘想翠雲安得向來詞賦客揮毫常侍聖明君

送李伯華使寧夏

年來念爾勞王事塞役衝寒兩度違雨露喜迎新  
使節風塵愁見舊征衣春先幽谷花應發臘盡函  
關鴈不飛到日從容登華嶽憑高一覽漢京畿

庚寅至日飲鄭有度

去年迎日開閭闔今歲明禋出建章畱滯難陪天  
上從氤氳真想殿中香吹葭律琯朝浮氣燔燎瑤



壇晝閃光萬乘郊回雲物異子真谷口有和陽

送程惟光之越

黃河水開春水生河上春風送遠行  
薊北雲山堪墮淚越南煙樹亦含情  
牙樯自起中流鷺粉署空啼二月鶯  
到日西湖好吟眺由來水部有詩名

過大興隆寺訪鄭子元

蕭寺尋君春獨過移藩新拜楚江沱  
千年閉眺題鸚鵡五月湘行佩芰荷  
有詔豈嫌宣室晚著書曾比茂陵多  
金雲寶露談玄地他日相思當奈何

同鄭子慈仁寺雨中登閣

寶閣蓮扶出上方雨臺煙徑晚蒼  
石雲霄步識爭梯健海嶽懷披倚檻涼  
救鏡鳳樓傷異代戲湖龍舸憶先皇  
迴簷忽射千門霽淨對西山醉不妨

雨朝周學錄示宮詞六章戲答

臨風吟望憶周郎對雨題詩傷苑墻  
麗藻異時誇樂府綺羅何事怨昭陽  
愁來班女應能賦老去明妃祗自傷  
金谷寂寥人可在彩毫拈弄意偏長

過興濟寺作

璇宮玉宇先皇賜福地名都淑女鄉  
一自經營傳內使至今供奉禮空王  
論恩實冠昭陽裏問水虛



疑媯汭傍載過倚舟迴落日暝煙行望柏蒼蒼

定州過開元寺登塔壁間有武宗宸翰

貝殿花飛二月春攀遊那負衆生身翠華象輅來  
先帝丹壁龍文護有神塔倚雲霄非世界蓮開燈  
火自星辰不辭醕酎歸清夜直擬扶搖向紫宸

暮春雨後病遣

庭閒坐對日仍斜邑小猶堪早放衙已過一春纔  
見燕乍來微雨亦驚花桑麻自擬勞民事桃李何  
緣競物華正是茂陵多病骨好從勾漏覓丹砂

送李子植卿自杞縣遷和順

可憐潘岳仍懷縣猶憶河陽桃李時年少有才今  
共忌風流爲政去多思太行日暮鳧堪遠上黨雲  
迴鴈獨遲人世別筵那遽促天涯後會渺難期

過龍興寺登大悲閣

寶閣何年起法門金身十丈佛爲尊雲移祗樹看  
俱渺天近曇花落更繁檻外青蓮開北嶽窓前赤  
日淨中原憑高忽望長安路即擬雙鳧此奮翻

人日借馬李二僚孟吳兩文學并張子過朱

氏登樓

王家種竹開三逕人日留賓擬七賢潘縣桃花晴



弄日漳河柳色淨含煙青春好趁登樓閣深夜猶  
聞度管絃自笑微官淹墨綬幾時嘉會召金錢

辭邑晚發

斜日揚帆衛水濱長風吹浪下天津心懸鳧鳥辭  
花縣夢入鱸魚憶釣綸江畔白鷗晴對客野田黃  
雀暖依人踈狂自笑三年尹漂泊猶爲萬里身

夏日登廣平城樓贈寇體乾

城東樓閣排雲建極北河山抱日浮身上百層懷  
更放眼當三輔望還收媿無辭賦畱王勃幸有弦  
歌駐子游爲問長安何處是莫因殊土憶并州

彭城逢王中舍捧毅皇后哀詔之南邦乍聚

遂別

千里輶車天上來百年鸞馭夢中迴漫於萍水聯  
舟楫更瀝蘭心向酒盃春漲已平楊子渡夏雲先  
引秣陵臺相逢異地情難別爲賦長門思可哀

懷歸

故園獻壽親能健春夜開筵興不違兩地離懷人  
惜別暫時歡賞客忘歸醉聽錦瑟歌猶度仰視銀  
河落漸微今夕月明江上路煙波回首淚沾衣

西苑二首



○ 瑤宮翠殿標雲外，珠棟雕欄照水邊。  
花萼御樓唐詎數，露盤仙掌漢空傳。  
啼殘禦宿無凡鳥，長出昆明盡異蓮。  
共道靈臺成不日，寧知睿想自經年。  
○ 萬花遙引綠雲衢，一水迴沿紫禁隅。  
月向妝樓懸作鏡，星分太液瀉成珠。  
天門韶濩聞難識，海嶽蓬萊望不殊。  
見說君王頻幸此，夜來遊賞倍歡娛。

中秋篇

是日先雨後霽，孤坐對月感時託興漫爾成篇

○ 朝來細雨落繽紛，向晚清光散彩雲。  
自是廣寒貪

皎潔不隨巫峽傷，氤氳高樓張宴停。  
杯待別館吹簫度，曲開玉筍深閨啼少婦。  
關山終夜望夫君。

送王少儀給事罷官還楚

憐君得罪出梧垣，最是難招楚客魂。  
匹馬鄉關從此別，一尊岐路復何言。  
未須操樂聆鍾子，便可爲文弔屈原。  
木落洞庭堪涕淚，月明湘浦况聞猿。

侍朝頒曆和呂兵曹

君王曆數與天長，正朔還宜奉萬方。  
馮相悉傳宣夜法，司分親掌授時章。  
年華預識乘春轉，火德從占應運昌。  
自是玉衡懸象緯，賜來金殿倍恩光。



冊嬪恭賀

玉冊金函降御墀彩幢華扇引昭儀賜着翟褕香  
未散教乘龍輦寵新移蘭宮夢月瑤光貫桂殿占  
星紫氣披正是君王延茂祉會應仙媛助昌期

大祀南郊

天子迎陽禮上玄翠華深駐紫壇前祈逢掃地觀  
周典絕勝橫汾幸漢年帳殿旌旗寒映月松門燔  
燎夜升煙未奉神休陪扈從羞將辭賦奏甘泉

五日立春庭讌

青旂應律轉韶年綵幄迎祥慶賜筵五莢萱敷堯

砌日千條柳拂漢宮煙瑀盤行菜春光泄寶鼎調  
蘭淑氣傳獻節已占陽令改啣恩偏在物華先

觀燈篇

華燈芳苾競時新絢鳳蟠螭莫辨真漢室明珠元  
不夜秦宮青玉更宜春三殿瑤光承素月六街花  
氣藹香塵懽娛何處非銜照願借文園映字人

春日宴夏宗伯第得嘗御賜長春酒兼聞忠

禮書院之勝

學士畱懽宴玉堂書生何幸奉餘光華燈不夜猶  
元夕御酒長春出尚方東觀雪殘融作瑞南宮雲



起結爲祥更聞賜第啣天藻豈數平泉李相莊  
馬豎有談武宗時事者感而賦詩

傳聞遺事詎堪悲今日長秋異昔時產出神駒官  
盡牧獻來天馬帝親騎千金購賞原非惜萬里長  
驅爲不辭一自攀龍留劍舄何由陪駿向瑤池

### 駕謁七陵

按謁陵之禮昉於漢明帝朝于原陵如朝會

儀云

法駕琬輿出禁中仙原黼帳結行宮金支羽衛橋  
山駐玉枕靈筵隧道通漢主此時親上食小臣何

處泣遺弓更聞雲起悲歌就不是汾遊睿藻雄

### 駕幸西山

先帝瑤宮起翠微今皇玉輦歷朱扉諸天香靄紛  
仙仗百道祥雲繞御衣花影數移幢扇過簫聲遙  
雜珮環歸靈池望幸魚龍躍福地銜恩草樹輝

### 春日聞怡山文人治園因贈

爲園更喜逢春早開逕還宜引興深南國小山聊  
地隱習池新水足淵沉栽花種柳年年事語燕鳴  
鳩處處音自笑玉顏真忝竊無緣金谷日相尋

### 揚州



朝來投壁渡淮河日暮江門感慨多流水詎隨羅綺盡春風無復翠華過粧樓明月難留舞楊柳長隄解贈歌見說小山叢桂早相招茲地隱如何

答陳魯南太史入牛首山作

歸來學士隱城西曠覽人間萬物齊玉笈早探玄訣秘銀魚已遂碧山棲同僧蓮社經春入與客花巖竟日躋臥病檢方無上藥倘逢石髓幸相携

簡蔡孔目羽

高帝投戈宅玉京茲邦定鼎創金城鍾山總是黃圖勝江水流為玄灞聲隧道松杉原廟在禁宮花

草曲池平欲向西賓訪遺事共言平子賦方成

諸同年邀遊徐氏東園

王家別業帝城隈髣髴離宮天上開仙榜曾看中賜出名花多自遠移來千山鑿石嶠函似百道疏泉太液迴勝槩不殊金谷裏茲遊欲賦謝潘才

顧公子邀遊清涼寺

陳後主避暑處

清涼靜域遠煩囂浙瀝天花散雨飄笙磬雲間聞演梵帆檣江畔見乘潮瑤宮貝殿開三界翠螭金輿駐六朝更道上方堪避暑一尊河朔正相招

宿茅山道院



透迤仙逕禮神君縹緲三峰鎖白雲丹洞桃花春  
正發星壇瑤草歲常芬山間鍊藥人難識天上吹  
笙世詎聞獨宿便思成道去夜深鸞鶴幸來群

發松至京口作

嘉樹言從南國移君王方有灞陵思根靈合遣烟  
霞鎖蓋偃何妨雨露滋聖壽長如千歲實橋山虛  
扈萬年枝此日使臣遙拜命多慙草木被恩私

立夏日至虎丘

郭外青山數里遙扁舟探賞過溪橋珠林樹色含  
雲綴香礪泉聲雜雨飄烏狎春光帝處盡僧逢塵

想坐來銷共言招隱堪開社也學翻經懶入朝

首夏偕張李二少府遊赤壁分得坡字

人留勝地臨江上客有高軒得並過雲起楚臺聯  
石壁水從湘浦接烟波漫因明月傷千里更遣回  
風入九歌自媿清時承遠譴可無辭賦擬東坡

憇四祖寺閱藏經

清凉蕭寺倚城西避暑因來上界棲爲乞經文開  
寶藏遂探諦語照金篋晨披貝葉生巖石夜誦曇  
花落水泥自是遠公容小謝忘言終日對招提

秋日奉謁太宰顧華玉



司空無事晚開衙  
叢柏霜寒半宿鴉  
地向河間存禮樂  
山從原廟見煙霞  
閒披圖史常堆案  
別起樓臺卽寄家  
流落陸雲方自笑  
也容門外候張華

郡齋秋思

郡齋忽漫秋風入  
芳樹先凋一葉梧  
雲際早看衡鴈起  
月明愁聽峽猿呼  
絳侯不肯容才子  
漁父無勞問大夫  
一自銜恩違省闈  
何辭飄泊在江湖

嘉靖己丑庚寅辛卯壬辰癸巳甲午乙

未丙申丁酉戊戌巳亥庚子作見政學

浩歌亭來鳧副京寓黃集男林謹校



皇甫司勳集卷之二十六

吳郡 皇甫汈子循 撰

七言律詩五十八首

九日懷楚中舊僚

去年九日登高處野寺深山歷楚臺黃菊正堪携  
酒過青蓮却爲散花開閣中雲氣千峯入檻外江  
流萬里迴欲問同遊今健否衡陽不見鴈飛來

寄憶任黃州

漢室任延最有名楚邦爲政盡稱平相逢已覺新  
知樂一顧翻將遠竄輕雲淨滄江春與汎月明赤



壁夜同行歸來故國愁無限總是間居賦不成  
故園對子安兄相與談及竄逐事悵然作詩  
得罪同君承帝恩為邦兩地各飛翻楚山正列窓  
中岫衛水常流郭外門靜對棠陰思棣樹遙憑鴈  
序望鴿原今日相逢倍相憶此生堪歎不堪言

春日感懷因柬子安

平居每憶在長安却羨雲霄接羽翰騎馬每從雙  
鳳出逢人憑作二龍看春遊西禁纔舒柳夜直東  
曹併是蘭轉盼不堪成往事誤身翻自笑儒冠

雪日感舊因柬長兄季弟

同君對雪題詩處直是陽春屬和稀滿泛金尊揮  
麗藻頻燒銀燭送清輝年來勝事應難再歲首瑤  
花不耐飛為說袁安愁病在只堪高臥掩柴扉

午日獻子安兄

午日遙憐獻壽儀省郎同記拜恩時九華承出雙  
紉扇五色頒來雜綵絲見說賜筵臨浴殿更傳競  
渡從昆池不堪身事如蓬轉強飲花前酒一卮

間居柬吳二純叔王二祿之

北山歸臥各風煙西望長安思惘然直散聞鶯蘭  
省畔朝回飲馬玉河邊府中盡道逢時少闕下爭



看被服妍爲憶同遊雙鳳侶  
啣恩記否十年前

送王維楨量移台州

使君仙棹且徐開  
岐路離筵未忍回  
乘月遙從石梁度  
看霞幾過海門來  
名郡中共識宣城藻  
闕下誰憐賈傅才  
吳越相望一水隔  
思心日夜向天台

晚興荅子安

謝秩家園今幾時  
病身丘壑轉相宜  
坐憐落日閉門靜  
起看閒雲出岫遲  
誰寄靈魚思遠道  
自同烏鵲在南枝  
楊雄寂寞何如此  
白首談經世豈知

琴友張子扶病還雲間久不相聞寄憶

歲晚蕭條最憶君  
琴心一片向誰云  
啼鳥半落亭前月  
征鴈遙迷泖上雲  
白首先驚垂老別  
青山恐作斷腸分  
廣陵仙曲從來秘  
莫遣人間遂不聞

辛丑至日

再從故國逢長至  
始信幽居得自閒  
旅跡祇驚江漢外  
愁心翻寄酒杯間  
雲依北郭浮難定  
歲入東流去不還  
莫向夜深懷往事  
却隨清夢到朝班

至後廩子安兄感遇見貽之作

朝來江郭已回陽  
春近湖山興自長  
寒日閉門聊謝客  
晚年執戟笑爲郎  
冥冥鴻鴈棲雲徑  
寂寂魚



龍臥水鄉聞道平原賦招隱桂叢深處幸相將

歐陽憲使過訪時在山居奉謝

臥病年來與世忘故人何事到江鄉  
新從北闕承恩下遙指西湖去  
興長鄭子隱居隣谷口石家別  
業在河陽多慚門外堪羅雀  
猶遣高車過草堂

冬日郊原作

竹下翛然自掩扉晚來西郭藹晴暉  
江邊歲晏逢花落天外雲寒見鳥飛  
將欲乘春入山去何妨終日灌園歸  
閒居莫怪無相訊漸覺人間知我稀

鄒憲使見訪奉贈兼柬故舊

靜數交游憐海內半傷搖落在江南  
一朝門巷頽迴轍十載風塵媿盍簪  
岐路青陽驚客夢禁城芳樹與誰談  
山公自昔能知我可信嵇生有不堪

送吳純叔北上

爲先大夫乞恩典

閭闔門前望淮水漢京遙隔幾重雲  
清尊斟酌人難別白馬遲迴路忍分  
秘器從來頒上相敬惟何用乞明君  
朝中故舊多相問莫恠盧家獨未聞

送吳長洲調官陽穀

看君移舄魯門東莫向南枝歎轉蓬  
邑是桑麻舊時地民多絃誦古人風  
城連黃石尋祠外家隔青



山望越中却憶河陽春色裏桃花欲寄恨無窮

春日聞任黃守擢憲江州

年來芳草動離憂別去湘潭今幾秋已拜觀風辭  
郡邑猶聞遮道借君侯城連滕閣朝雲黯門對章  
江春水流總是公庭號煩劇也應廬嶽暫攀遊

冬日吳子新見過偶憶殊勝寺之別

逢君忽憶越江邊正我辭鄉入楚年野寺暮鍾留  
客棹溪橋春酒醉離筵歸來南國仍飛逕悵望東  
林隔遠天更欲相期訪幽社此生猶未謝塵緣

濟上謁周司空叨讌扶疎亭

漢室宣房久未安以公爲楫濟無難門墻爲許平  
原謁尊酒翻承魯國歡見說揚州通禹貢憑將泗  
水作淇看清風盡日芳林下不待霜飛亦自寒

出京

曉叩天關別禁墀秋深江路是歸期談經王式重  
來誤薄宦潘生屢出宜漢室朱顏翻見嫉梁園白  
首未相知此身去就何曾繫一似浮雲任所之

顧武祥免官寄柬

聞子陳情聖主憐一朝報許遂言還長卿謝病非  
因慢康樂懷歸不待年松菊久荒彭澤里煙波重



泛太湖船慙余亦有東山興却戀南枝未忍宣

南旺道中逢張水部

薄遊自苦為形役却笑深秋在異鄉使者星槎逢  
造次征夫岐路借輝光相忘湖上同魚樂遙指雲  
中羨鴈翔莫道佳期容易過黃花畱醉是重陽

江都代東寄親故

吳鄉遙接楚雲東潮落寒江一水通王粲經秋渡  
淮上張融累月駐舟中朝攀桂樹身將隱夕眺蕪  
城思不窮若問官家近時事積薪惟說後來功

送郡守王君廷入覲

看君鳴佩遠朝天聖主方思良二千轂下重過避  
驄路殿中猶記上書年潁川治行偏能最蜀郡才  
華不啻先總是吳公知賈誼勿須言向漢文前

早春柬蔡法曹

逢時總是翻飛侶失路俱為畱滯人白首何曾離  
畫省素衣聊得謝緇塵風光自向湖間轉柳色先  
從郭外新為語麟臺暫相賞勿因愁思厭看春

盧龍觀和蔡法曹

芳辰締賞許心同獨見玄暉擅藻雄曾是江山開  
勝地尚餘樓閣待春風青谿水遶龍池匯緱嶺雲



來仙掌通不信金門堪避世  
○  
送大司寇顧華玉獻績北上

名疏玉宸已多年身歷南臺未是遷  
約法獨持三尺重生民奚止數千  
全袖中啓事人稀見囊裏刑書手  
自編聖主以懷求舊意滿朝誰在絳侯先

靈谷寺

寶公舊日安禪處雙樹依然初地開  
歲久丹青凋畫壁春深花雨落經臺  
招提境接橋山外功德池分灞水來  
聞說此中容吏隱濫巾時向草堂回

同省中諸僚餞別勞憲使於徐氏西園

王家池館甲長安許客相過更不難  
花下候人思負弩林間飛鳥避彈冠  
綺筵却遣離觴入金谷翻將岐路看他日  
攜羣能再至坐無車胤未成歡

春暮東包孝侍御

一春離索意何如獨坐懷君花鳥餘  
都下相逢驄馬後雲間爭識士龍初  
閒居數月能題賦守藏千言解著書  
總是漢家無事日封章時見奏公車

薛吏部見過

同時分省漢西京得暇相過蓋屢傾  
戶外不知芳草歇林間已是夏蟲鳴  
為耽玄理輕辭賦因臥滄



江減吏情坐接高談心自醉從君將欲棄平生

南省齋居

漢家祀典盛如今幾處郊宮駐輦深燕月懸知臨  
太乙淮流爭得向汾陰齋居宛記分蘭省禁衛仍  
聞集羽林靜數從臣枚朔革同時零落忽傷心

過馬光祿舊寓

一區西接禁城垣大隱曾於此避喧過客尚思文  
舉座若人猶說李膺門清泉自遶花間去幽鳥如  
窺戶裏言家本秦川遙不見重來翻謂是迷源

歸自牛首同諸君携酒訪徐公子

○  
青山別後每思君獨臥朱堂絕世氛共載酒肴逢  
好事淹留車馬爲論文曲池新水鳴殘雨隔院芳  
陰入暮雲公子從來能愛客無言不醉遂離羣

答蔡子木初秋約遊之作

官閒似與病相宜朝謁俱無起獨遲禁苑蟬聲移  
物候空山木葉報君知薄遊丘壑何嘗廢雅興琴  
書每自隨聞說潘生歸騎省却因詞賦動秋思

七月六日訪蔡比部作

中郎身寄白雲司戶近青山秋早知樹下聞琴蟬  
噪後花間倒屣客來時迢迢榆漢雙星待冉冉蘿



陰滿徑垂行樂漸宜清夜永從君秉燭向南皮  
王地曹初至同蔡比部攜酒訪於徐氏園居  
洛陽年少似君稀誰道多才與世違得罪一從燕  
市別衙恩重向越鄉歸無言契闊惟傾酒到處風  
塵任滿衣為視園林今夜鵲遶枝猶自共南飛

同王子集蔡子館

相逢西府訝初筵為語當時一惘然戶下鳴蟬頻  
帶雨湖邊落木似催年人傳台嶽題詩後客向長  
沙奉召還機事對君渾遣盡莫嫌爭席主人前  
同省中諸僚遊徐公子鳳臺園

名園似與辟疆同載酒時堪集上公戶裏羣山能  
自入林間三逕若為通穿池半引長淮水種樹多  
移禁苑叢不是策勲麟閣後誰應開第鳳臺中

送朱參軍入賀千秋令節

東朝初進九齡籌南國懽逢拜舞秋數報寢門迴  
鶴駕新從馳道出龍樓世家共羨帝賢後記室爭  
推阮瑀流君去分明窺盛典還將禮樂頌成周

送太學王生還齊安

從知楚國多材地况復帝家奕葉人博士見時推  
講席中郎迎後動儒紳霜前鴈起搖歸思月下猿



啼愴別神若問長沙舊遷客賈生今日尚沉淪

贈太司馬張公邦奇

清朝供奉早知名黃石傳書解論兵每奏軍機憂  
北闕時揮麗藻動西京營中校士輕裘坐門下憐  
才倒屣迎文武古來誰得似爵侯麟閣美功成

奉贈張補之學士同蔡比部作

生逢明主幸同時侍從常看列禁墀賜出秘書延  
閣校奏來辭賦掖庭知西京舊史聊相訪南國人  
倫正在茲更道張華能愛士席間荀陸最承私

寄唐應德編脩

避世曾看隱石渠幽情終自反班廬門前愛樹因  
栽柳郭外疏泉學養魚談笑每從林叟晤浮沉翻  
混野人居年來尺素長相憶莫作嵇康不寄書

寄許夔州

城開白帝錦江連見說仙郎出守年虎患已從鄰  
境去猿聲偏近郡齋前相如文藻流巴蜀黃霸功  
名在潁川應是漢庭求吏治非關相府賤英賢

寄王地曹湖上

禁湖秋盡渺芙蓉憶爾幽居定幾重掌賦久應知  
戶口披圖一為辨提封雲深自指橋陵樹水靜如



聞閣道鍾信是仙源人不到惟餘明月得相從  
寄孔督學

憲府新開越水東瀛洲似與海門通談經直采先  
秦上文學多陪後乘中一自西京辭宿衛遂令南  
國奉餘風幾人修刺懷衣袖猶恨無從謁孔融

得稽勲報

漢廷不調已多年中歲何期得再遷薄祿祇緣貧  
仕累非才幸取聖明憐回看舊省真如傳乍拜新  
銜豈是仙裴楷清通方自媿逢人莫訝玉山前

募兵作

漢家西域有烽煙列郡徵兵詔護邊吳楚輕剽七  
命起幽并遊俠感恩先身從都尉新承鉞名係良  
家盡控絃爲語鳳樓休借問功成龍塞遂言還

江山觀發兵用韻

江門選士擁旌旄臨發猶聞贈寶刀脫挽新承戲  
下命吹簫曾授匣中韶月明隴水鄉堪遠雪度陰  
山路豈勞鐵騎經年隨首藉金盤何日薦葡萄

靈應觀

長安西指望仙宮蜚觀崇臺杳自通候氣還如逢  
柱史采芝一爲訪園公澄潭盡是桃花路幽徑俱



成桂樹叢欲棄人間渾未得年年辟穀漢庭中  
得子約弟過海印廢寺之作因寄

先朝敕寺總知名初地曾逢御輦行寶閣近隨荒  
草沒金河翻共曲池平鳥來尚識聽經處馬過空  
聞遶塔鳴獨往題詩憐小謝了看塵劫得無生

簡王戶曹

少年君是馬遷才何事周南未遣回夜直每看趨  
騎省春心幾許寄麟臺官閑不羨緡能算性懶翻  
嫌篆屢開莫道舊宮風物異年年柳色過墻來

曹席上贈王進士宗沐

少年獻策承明後遂見乘輅出漢關司馬新爲巴  
蜀使買臣初向會稽還江邊路轉通吳苑天外霞  
標指越山不是絳紗門下客何由瓊樹一相攀

春日偶成

春光強半去清明着處逢花併鳥聲鮑照避人多  
累句李聃貴我謝浮名何須食祿過千石便可持  
盃了一生長日省回無俗事城南惟是訪僧行

次韻奉贈父友羅公八十自壽

年同渭叟罕能躋况復功成謝釣溪典郡昔聞人  
盡慕歸田早與世相睽輿間載酒稱元亮座上談



詩數雅圭老眼平生書癖在尚堪散帙對燃藜

贈華子潛學士

暫辭供奉在西京南國聊兼吏隱名信美江山多  
勝事更餘花鳥寄春情校書芸閣編應就給札蘭  
臺賦已成聞道青宮開講幄早陳車馬待桓卿

嘉靖庚子辛丑壬寅癸卯甲辰乙巳年

作見安雅齋南署稿

男琳謹校

皇甫司勳集卷之二十六

皇甫司勳集卷之二十七

吳郡 皇甫汈子循 撰

七言律詩四十二首

予被論屏居侯子舜昭撰懷慰賦見寄奉荅  
世路風波不可聞還山直欲避人群素書遠謝雙  
魚贈藻賦新傳九辯文響振蕭齋聊擲地思飛台  
岳會凌雲明珠寄語須珍重按劍相投恐未分

念別再賦

征車欲戒且停鞍把酒今翻別更難雙鬢豈堪承  
再竄一麾猶自戀微官江楓落後淮城暮沙鴈飛



時楚塞寒遙憶吳門何處是定因白馬向南看  
燈讌聞雨因懷子安同子浚子約作

金樽高讌競芳辰玉律韶年應早春火樹不須重  
待月雨聲翻似爲留人看來白髮皆非故按出清  
歌總是新花萼滿堂饒勝事一枝先露獨傷神

周以言黃聖長過余問疾

一丘棲病每經旬二仲相過惜暮春羅雀不知東  
郭騎逢人初着北山巾枝生肘上看非累花落藩  
間悟是因且覆清尊判盡醉何曾靈藥駐芳辰

吳子仁舟泛遣興

湖上扁舟興不違春深何惜醉芳菲寒生細雨花  
間濕節近輕烟柳畔稀散騎十年空未調群鷗一  
夕已忘飛溪邊漁父休相問楚客歸來欲製衣

周以言黃聖長過我先人城南故居賦詩見  
示悵然荅此

疏公別業倚荒城三逕蕭條蔓草生薛邑臺池今  
日淚平泉花石舊時盟齋中歲序看駒隙門外春  
風換鳥聲不是裘羊同過客題詩那得更傷情

春暮索居

棲息無能出世塵青山何處可藏身還期向子招



禽慶爲報支公待許詢靜對鶯花思舊事忽驚風  
雨送殘春朝來閉戶多相戲猶自含毫擬荅賓

從子約弟借河上公道德經註披味

枉下金經秘五千瑤函一謝棣華傳言從關令初  
成帙道自河公又棄筌誦後香烟移座右望中靈  
氣靄簷前亦知無欲能觀妙舌強何曾解悟玄

文太史遊義興歸贈

早厭承明出漢京却耽山水寄高情藍輿行處門  
人從竹徑穿來郡守驚春盡玉潭乘雨泛日長丹  
洞眺雲生閑逢道士書經罷何似籠鵝別會城

追昔家居兄弟多燕會觴歌之樂特盛者如  
眺飛素於寒朝玩流光於清夜雪月二編華  
萼競美矣比承慈戚兼值仲徂無復懽悰聊  
申慨咏時丁未秋日

細雨吹寒入草堂蕭蕭落葉間鳴蟻遊情病後知  
因減嘉會年來信不常東郭雪殘惟有臥西園月  
在總堪傷爭酬麗藻誰能賦空使詞林泣謝莊

上夏左相

昔叅多士謁平津東閣開時奉後塵門下憐才曾  
倒屣車中容醉偶汗茵謝公又係蒼生望裴相猶



懷綠野春聞道金城圖未上且須持議在和親

麗春宮人詞次韻

漢宮初進美人歌一日春暉到綺羅漫向玉階啼  
粉淚試開金篋理粧螺從登豹輦銜恩甚特賜鸞  
箋命藻多總是相如能獻賦文園歸後奈君何

又麗春宮人詞

掖庭諸伴盡承私猶是長門奉帚時夜月羅幃空  
自照春風玉輦不教隨畫圖舊掩明君貌團扇新  
傳班女詞爭得蛾眉無解妬一開金屋寵全移

別慶上人

伏劍噫歌出帝京楚江東去是吾城僧中淨理諳  
應久物外浮名本自輕阮籍易傾窮處淚惠休難  
遣別時情殷勤記取臨溪意正及長干芳草生

戊申除夕

帝京明日憶朝天客舍曾開守歲筵一謝鸞鸞非  
道路空將犬馬媿韶年鐘聲逼曙傳花外燈影分  
宵落酒前擬向東臯理春事張平今已賦歸田

子約弟校書東閣

君從都水入讐書何似更生在石渠筆札尚方初  
賜後綈緗中秘總頒餘高才自合隨金馬博物還



應辯魯魚長日遲回勞汗簡芸香携得滿簪裾

劉向以都水使者校書石渠閣

郡守金城見訪時方治水

自憐漢省爲郎久一謝雲霄託薜蘿散帙林中惟  
有臥高軒門外枉相過西臺攬轡清風在南郡承  
麾惠政多早晚白公隄已就佇聽民唱兩岐歌

韓司徒贈詩過獎鄙集次韻奉謝

萬事無心付寂觀一燈遙夜坐忘寒調卑豈合陽  
春和形穢空將玉樹看木落冶城迴客夢鐘鳴香  
積倚僧餐因公欲訪君平卜可是人間蜀道難

夏至日對雨簡子約弟

麥風吹雨夜蕭騷詩興朝來似省曹占日正逢南  
陸候朝天應想北辰勞祠臨泰時陳琮壁路出汾  
陰駐羽旄莫以淹留虛從事後車題賦待枚臯

茅山道中寄徐公子聞其抱病

林開白石隱仙房路指青門接帝鄉六代總爲分  
鼎地十年空作尚書郎源迷桃水聊相訪會憶蘭  
亭耿不忘聞道徵君初養疾將從海客寄丹方

寄王維楨戶曹

扶病尋真宿羽壇塵蹤那識是秦官山中瑤草傳



情易天上瓊枝會面難華省久淹猶執戟明時須  
愛但加餐應徐零落元瑜逝莫以風流憶建安

謂亡兄及蔡子輩

江上寄程祭酒

絳帷何處馬融庭建業城西淮柳青名重兩都看  
作賦教分六館羨談經漫因玉樹思今雨共說金  
門隱歲星爲問芙蓉池上客可知江畔有飄萍

報恩寺浮圖

明光九級盡瑠璣爲荅玄功詎惜貲地是赤烏開  
教後基同白馬賜名時鷲峯直與諸天接鳳闕翻

從下界窺登罷欲書多寶事奈言江總善題碑

金陵懷舊

平生踪跡半京畿別去秦淮歲屢違道上投珠多  
按劍市中擊筑幾沾衣寺尋白社僧猶在宅訪青  
溪客已非莫學隴西逢醉尉夜深愁向灞亭歸

天界寺訪半峰上人聞已入楚

松關靜閉座凝塵童子花間笑候賓掛却袈裟看  
有相持來如意贈無因昭丘直指彌天路湘水遙  
通慧海津衡岳若逢飛錫後不知留偈與何人

普德寺



古寺城南訪六朝高臺一望幾蕭條門前黃葉催  
年暮林外青山覺路遙塔影常圓沙苑月鐘聲靜  
帶楚江湖老僧宴坐耽禪定送客何曾過虎橋

溧陽旅興

小邑寒深歲復催此身如寄未能回主家負郭塵  
喧遠客坐看山爽氣來瀨水舊爲三楚地吳雲今  
是望鄉臺欲知暮髮俱凋盡爲說朝心總不開

題史考功池亭

地卽謝公堰

名園十畝與城鄰日夕風烟逐眺新山學翠屏開  
作畫水從金谷瀉成春憑軒不斷啼花鳥閉戶應

逢看竹人見說玄暉池尚在知君前是謝家身

先春一日金壇道中

窮途明日已逢春殘夜題書報密親吹笛曾爲行  
市客解衣聊作刺船人蒼蒼樹色雲連郭寂寂江  
聲月滿津不是才華應取忌肯令王粲在風塵

歲暮客居獻王水部

少年未與俗相親慷慨猶爲國士身阮籍能留青  
眼盼鄒生長歎白頭新客中歲序空催鬢天上陽  
和易作春一自誤遭懷璧罪逢君應是泣珠人

早春寄子約弟



舊京東望已春歸  
禁苑城邊藹曙暉  
名在郎曹皆是累  
酒酣身世兩相違  
還邛有賦推司馬  
入洛無心媿陸機  
淮柳青時江水濶  
知君將欲理朝衣

送王戶曹擢九江守

甘泉獻賦早知名  
才子爲郎在兩京  
闕下承符初出守  
郡中森戟已相迎  
空庭廬嶽晴雲色  
燕坐潯陽江水聲  
試覓古來循吏傳  
幾人年少寄專城

贈盛秀才

避喧因就辟支禪  
江左玄風屬少年  
數借慈燈揮藻賦  
更從積雪照韋編  
潮生靜夜灘聲轉  
月上空

林塔影懸媿我閒  
來尋白社逢君却  
在虎溪邊

赴丹陽廣福寺與弟言別

寺在練湖傳爲

日光佛靈異而建上有陸羽第十一茶泉

名玉乳云

古寺碑題西晉年  
澄湖如練倚窓前  
寒雲自覆金光殿  
荒草猶埋玉乳泉  
楓葉染霜秋後色  
雨花和梵夜中禪  
亦知閱水同觀世  
不奈潮聲送客船

寄贈吳純叔藩使督祀太和

玄宮勝地迥塵寰  
先帝崇祠勅楚山  
仙吏拜從香案後  
衙齋寄在玉清間  
瑤篇久秘逢誰識  
桂樹叢



生好自攀更道襄陽風日近乘閒一醉習池還  
將之南都別親舊因寄寺僧

秣陵城外長干寺潮落滄江一水涯客路欲隨南  
國鴈離筵先就故山花因辭宦轍慵奔走數過空  
門感歲華朝省莫容鄉曲賤此身端合住僧家

送伯氏赴試北上

驟裏長嘶趁北風黃金臺在古燕中池塘草色春  
前思禁苑花枝醉裏叢馬接才成時未晚公孫策  
就路應通送君自愧冥飛鴈却笑當年誤入籠

贈許開府

看君被服似儒生不獨能文慣論兵三十擁麾當  
外闈一朝開府在西京雅歌樹下留賓醉清嘯樓  
中料敵平更道深山尋羽士功成應有赤松情

贈宗二伯昭

早聞名姓著江東却恨相逢白首中樓護不妨游  
五貴阮瞻曾亦辟三公代人屬草辭偏慣分吏占  
書意盡通春水片帆心萬里看君猶欲破長風

簡陸儀部

自甘寂寞解朝裾何似承明厭直廬謝病早歸年  
不待避喧真與世常踈筆留藩溷因題賦墨變池



塘爲學書叅佐解西芳草遍時聞人訪士衡居

新昌呂生見訪

呂安命駕輕千里來訪吳門何所聞揮翰久應稱  
內史請纓猶自慕終軍朝探禹穴因懷古夕泛娥  
江解辯文衰病無能空倒屣欲將書籍盡投君

夏日過文太史問疾

長日因居訪碧山清風如造竹林間門前不斷軒  
車駐庭下新滋帶草閒著作文探金匱秘陸沉曾  
是玉堂還從來妙說能除疾可引枚乘一解顏

寄談尹

看君白晢美修髯早歲明經起孝廉卜築近郊同  
沈約上書辭邑似陶潛梁溪夜靜惟高枕惠嶺朝  
來正在檐幾欲懷人招隱去尚慙爲吏未能兼

嘉靖丙午丁未戊申己酉庚戌年作見

安雅齋禪棲集

男琳謹校

皇甫司勳集卷之二十七



皇甫司勳集卷之二十八

吳郡 皇甫汸子循 撰

七言律詩四十九首

子約方有南役而余亦將北上作

自憐出處何嘗定為戀明時更起家路指兩鄉紆  
宦轍江分八月引仙槎峯回鴈信傳來易歲晚蘭  
芳欲寄賒到憶燕昭臺上望楚天西盡是章華

荅子浚兄

客心半在去畱間忽漫稱詩慄別顏淮海風生花  
落後瀟湘秋冷鴈飛還貧因減產耽微祿晚更趨



朝愧末班為語白雲開  
逕處此行邽得負何山

聞警

軍書插羽達齋宮  
聖主停祠欲禦戎  
燕地笳喧榆塞上  
漢家月照柳營中  
師從神武何曾久  
運掃妖氛會自窮  
慷慨即思投筆去  
一朝開域佇銘功

淮上謁何中丞

看公清嘯坐高樓  
淮海風來滿院秋  
地是桂叢淹客處  
山非桐栢訪仙游  
軍輸歲入多稱便  
國計年來待運籌  
總說西陲方有事  
君王南顧已無憂  
早春下邳遇譚兵使夜燕驛樓作

君從西楚新開府  
日對龍山坐擁麾  
臺下曾過戲馬路  
橋邊一遇訪書時  
樓舍柳色窺春早  
盤剩椒花卜夜遲  
聞道漢朝今好武  
揚雄行欲謝文辭

濟上訪汪中丞同年

看花同在曲江傍  
一散天涯二十霜  
禹貢導河由泗水  
漢家歌繅以宣房  
才堪作楫川能濟  
髮媿成絲路轉長  
日暮樓前思貰酒  
得逢任令更清狂

淮北寄故園兄楚邦弟

晚從吏役自堪嗤  
况是人情重別離  
冰雪寒深南盡地  
江山風似舊遊時  
花知吳苑春回早  
鴈憶衡



陽信到遲為說朝中方貴少白頭郎署不相宜

客京解嘲

承恩二十已餘年薄命那知屢播遷曾向郡齋吟  
處眺亦從鄰客醉中眠書藏名嶽翻嬰網賦就長  
門未賣錢裘馬五陵同伴少白頭猶草子雲玄

送吳子充遊北嶽兼赴塞上謁蘇司馬

玄宮高建曲陽隈登嶽長謠亦壯哉更為邊關增  
感激不因婚嫁重遲迴軍中曾仲飛書去馬上陳  
琳草檄來談笑功名須自致許公墓下最憐才

柬白貞夫

十年蹤跡媿飄蓬二陸聲名半已空

追憶  
子安

洛下曾

收才子疏江州猶繼古人風鬢毛盡變兵戈後心

事都銷杯酒中喜見謝家丹鳳羽承恩同在省曹

東

子啓京  
登進士

寄許東侯中丞防禦昌平

東山歸臥久辭喧北闕重來慰至尊分闔正當三  
輔地侍祠多在茂陵園黃金盡散因收士白馬長  
驅為報恩舊日忘年文酒客帝鄉猶阻孔融門

獻座主太宰李時言

山公今受聖明知典選勤勞退食遲闕下每聞傳



啓事車前聊得奉光儀  
慙持手版迎州使  
懶束腰章拜里兒  
爲問門墻春色道  
幾多桃李沐榮枝

謝嚴相公分惠大官攢品

幸逢開閣謁平津  
忽拜堯飡及阮貧  
漢主每聞推食暇  
姬公仍見吐哺頻  
由題黃紙頒從禁  
饌出朱盤訝是珍  
慙謝分甘無以報  
祇知飽德荷陶鈞

上李亞相汝立

玉署仙班第一流  
甘泉終日奉宸遊  
與門賓御同元禮  
滿架圖書似鄴侯  
春色散朝揮麗藻  
夜深當宇待嘉猷  
車茵坐擁沙堤上  
爭羨台臣正黑頭

送張尚寶謫淮南轉運

繁華自昔數揚州  
君去無嗟奪鳳遊  
試訪名花弔隋苑  
好攀叢桂對淮流  
河橋月上開官舍  
海縣潮迴放客舟  
年少辟疆猶作吏  
功成誰復念留侯

送陳兵曹謫官興化

舊爲中舍

佐邑官閒莫厭卑  
昭陽山下正花時  
愁中撲被辭蘭省  
夢裏揮毫憶鳳池  
淮海潮聲流別恨  
都門柳色贈離枝  
漢庭才子多承譴  
立馬須瞻董相祠

闕下送王水部時獻軍器聞留省免官

君除戎器謁彤墀  
檢閱忘勞匠氏推  
南國鑿人非



有道西京憐士媿無知傷心白壁那應棄揮手青  
門從此辭鴈宕山前逢故老少談邊事更憂時

送尹兵曹擢河間守

聞君初解尚書郎出守雄邦邇帝鄉命下不殊馮  
翊詔腰間爭似會稽章食前借筋籌多中地上成  
圖料已長莫道宛王將獻馬防秋日夜念遙疆

程孫二禮侍見訪

上公聯珮出西清訪客城東爲掃荆問樹不言溫  
室秘看花猶記曲江情同承睿藻賡歌就共草祠  
儀典禮成早晚黃麻聞拜相由來房杜得齊名

白符卿免官

文章憎命不堪論畱滯官階二十春病裏金丹思  
服食晚來銀艾咲垂身明珠道上誰知已紅粉宮  
中慣妬人歸去名園多勝事投書一爲謝平津

送司寇顧公應祥調南省

尚書門接古崇岡信是人間吏隱鄉檻外鍾山瞻  
王氣鏡中湖水閱年芳兩都去就原無係三尺平  
反總舊章聞道民窮輕犯法願教刑措佐時康

送郭侍御謫令閩中

閩中爲令似非輕猶勝長沙逐賈生花縣暫看飛



烏去栢臺爭憶避，驄行山當劔浦雲。常暖溪帶樵  
川水最清，他日臨軒訪民瘼。封章留得直臣名，  
應謝二兵曹見訪不值。

城東聊寄逐臣居，何事頻廻長者車。南郡才華推  
謝朓，西園辭賦重應璩。朝聞散佩鑪香裏，時共談  
兵樽俎餘。却恠披帷人不見，壁間鳳字謾留書。

送王令重補武康

先宰仁  
和著稱

王喬仙令謁明光，再見飛鳧指越鄉。莫謂勞人憎  
案牘，須知飾吏在文章。綬迎天目晴雲入，琴拂英  
溪流水長。借問政聲誰得似，試看懷縣與河陽。

發京貽諸同好

朝攀瓊樹思依依，身似先秋一燕歸。失路豈能連  
羽翼，停雲惟有戀音徽。亦知手版迎人懶，無奈心  
旌去國飛。聞說漆園茲地近，將從傲吏息塵機。

贈譙司法

才華蜀郡古來聞，况是譙周更不羣。早歲揮毫驚  
白雪，明時射策致青雲。衙開恒嶽鵬宵迥，家憶巴  
江鴈字分。共道持平能讞獄，坐令三輔號神君。

得李伯華書期余往晤感今追昔詩荅之

逢時四海美彈冠，每過龍門卜夜闌。忽漫東歸依



秦岱幾憑西咲當長安瓊枝願見何由得尺素傳  
來亦自難更道輞川多勝蹟相邀裴迪共揮翰

訪同年李伯華於章丘

拂衣歸臥一丘安命駕何辭千里難書插高樓虫  
霧盡基拋別墅烏汙殘雄心每向詞中發變態都  
將戲裏看自媿交知成白首猶持長劍倚人彈新撰

寶劍傳奇

訪谷繼宗識自丹陽令

疋馬茸裘下北平亂山殘雪賦東征清時解綬聞  
陶令白首談經數伏生載酒花間逢好事結廬泉

上不為名練湖舊遶丹陽郭猶記鳴琴在水聲

趙景仁讌贈

童時名已動儒紳曾是南宮第一人痛哭上書思  
悟漢從容辭秩遂歸秦東朝再起銜佳命北闕重  
分禦虜塵雪後擁裘無所事祇將壺矢漫留賓

寄蔡衡州

一官報爾今河朔千里懷人楚水長花發幾迴思  
蓬業鴈飛何處是衡陽訟庭不廢京華牘燕寢其  
如留省香日日江頭聞送客空於詩卷恨錢郎唐人

贈送卷內以不得錢起即士元詩為憾予昔與子木在南省時頗類此



子約弟使楚被譴會於澶淵

春風河上駐征驂  
河柳初迴淑氣含  
得罪十年辭漢省  
采芳何日下湘潭  
情憐棗萼來相倚  
跡似浮雲去不堪  
君到梁園好題賦  
莫將畱滯嘆周南

始登南明山

名山終日俯南郊  
出郭纔聞十里遙  
直向千峰探化閣  
暫依雙樹息塵鑣  
梁橫斷壑雲常覆  
磴落踈泉雪未消  
莫訝使君非好靜  
桓伊今受遠公招

武林追憶子安

曾見褰帷向越城  
非關為吏厭承明  
身隨零露朝

先盡恨落江湖夜  
未平芳草不傳池  
上夢  
薇花猶繫省中情  
湖心諸寺聞題遍  
畱取山僧護姓名

椒山訪葉令

羨君辭邑賦歸田  
信有椒園在輞川  
松下持經閒相鶴  
花間洗藥候鳴泉  
支離自愧猶耽祿  
邂逅何期一問玄  
更道聖朝容傲吏  
賜骸聊得樂餘年

送金比部謫官北上

莫因得罪歎明時  
君去應逢聖主知  
坐對越山傾別酒  
行攀淮樹寄離思  
省中執法憑三尺  
闕下銜恩戀一麾  
予亦周南畱滯者  
春城揮手各妻其



答王維楨

同是西京作賦群，省中年少特推君。  
早承恩寵遭時妬，悞落風波幾處分。  
白首相知那可說，紅顏薄命古來聞。  
越禽更接卑棲羽，猶恨南枝隔暮雲。

懷龔溫州

江縣逢君春草生，禪林趺坐正啼鶯。  
離尊秉燭流連醉，歸棹乘潮信宿輕。  
閣內嘯聞劉越石，郡中吟憶謝宣城。  
相思忽漫秋風起，南鴈來時一寄情。

浙闈中秋呈諸同事

鎖院深沉秋氣中，德星今夜聚群公。  
清憐月色能

留鑒香泄花枝欲待風，靜覺濤生枚發就回驚。  
年少獵心雄亦知，龍頷先採取不遣驪珠落海東。

聞警

漢將防秋力已殫，年年遣戍出長安。  
賓鴻聲斷傳書少，鐵騎蹄穿踐雪寒。  
止見亞夫屯細柳，不聞介子斬樓蘭。  
欲知塞外思鄉淚，爲賦軍中行路難。

鴈宕

千山行入鴈山中，猶道仙源路未通。  
鐘落風濤知近海，衣生雲霧若凌空。  
奇峰指點憑僧話，幽壑攀躋只鳥同。  
別向龍湫訪飛瀑，一林晴雨石梁東。



同周將軍入龍湫訪白雲與雲外二高僧不  
可得

雲林路斷信溪聲天柱峯前落照明刁斗響山泉  
盡沸旌旗渡谷鳥還驚却憐細柳營中騎亦向蓮  
花社裏行無着天親那可見獨令摩詰坐含情  
發平陽王子追送飛雲渡感泣而別因寄  
相逢忽漫路岐臨相送停舟酒重斟目引海雲飛  
處盡心隨潮水渡時深芳洲總惜人遲暮花縣那  
堪歲載陰李白從來稀下淚問君何事獨沾襟

老婦詞

香銷閨閣夜深沉自恨無媒歲轉侵女伴嫁衣頻  
與做隣家花燭幾迴禁羞將玉鏡論前事留取冰  
壺照此心自分紅顏非舊日承恩聊贈白頭吟

送沈禹文還朝

時余將赴南都

故鄉亂後惜離群倚棹江邊一送君咫尺龍顏行  
自愛迢遙鴈信數相聞薇花漫對滇南日瓊樹長  
懷冀北雲海內兵戈湏草檄定知開府待叅君

答吳純叔夏日卽事

江城五月颯如秋帶雨潮聲咽更流塵滿空梁聞  
燕語烟銷殘樹見花愁登樓自可悲雙鬢臨俎誰



言集卷之三十六  
將獻一籌却憶題詩李嘉祐獨綠烽火歎長洲

三塔寺

唐朝勅寺蒼山裏石壁晴嵐護法輪樹冷陰崖常  
帶雪花深幽徑不凋春燈聯寶塔傳三昧香拂鉢  
衣斷六塵西竺本來開教地葉榆流處是洹津

太華寺詠落花

綴幌霑筵各有因長安萬樹總辭春殘粧帶雨猶  
含泣薄質隨風易損神信斷御溝子似葉香消清  
路不如塵朝逢鹿女銜將獻證却從前色誤身

得報寄王維禎

君從闕下解龜還余亦長辭金馬關散職已除朝  
籍裏虛名猶註黨人間才踈晞世應成拙年少懷  
居未是閒聞道陵陽多桂樹相思何日得相攀

嘉靖庚戌辛亥壬子癸丑甲寅乙卯作見

客京澶州栝州南中集

男毅謹校

皇甫司勳集卷之二十八



東傳卷之三十六

十一

東傳卷之三十六

十一

<p>東傳卷之三十六</p> <p>十一</p>							
--------------------------	--	--	--	--	--	--	--







